

Etke ij aikuj teej ñan nañinmijin Tuberculosis (TB) eo Ejab Kabobo?


Tuberculosis, ak nañinmijin TB, elab an kabobo im emaron kōmman mij. Kij ko an TB remaron mour iloan enbwinnim iomwin yiō ilo an ejellok kakōlkōl. Mennin jej nae etan nañinmij in TB eo ejab kabobo. Ilo an armij jab bōk wūno in kōmadmōd, TB eo ejab kabobo emaron erom nañinmijin TB eo ekabobo ilo jabdewōt ien im kōmman am nañinmij. Ilo ien an TB eo erom nañinmij eo ekabobo, emaron ajeeded jen armij ñan armij ilo mejatoto. **Am bōke teej eo im wūno in kōmadmōd eo ñan TB eo ejab kabobo, emaron kejbarok kwe make, ro nukkum im ro mōttam, im armij ro ilo jukjukinbed eo am.**

1 Lomnak

Kwōbed ke ilo uwōta ñan am bōk nañinmijin TB?

Milien armij ro ilo Amedka ewōr aer TB eo ejab kabobo bōtab rejab jelā.

Jabdewōt armij emaron bōk TB, bōtab elablok uwōta ñan am bōk TB ñe kwōj:



Kwōmaron bed ilo uwōta ñan am bōk TB jekdoñ emōj am bōke wā in TB eo (bar etannin wā in BCG) kinke ej mojnolok an lewaj kein bōbrae iomwin ien.

2

Teej

Ewi wāween am teej ñan nañinmijin TB?

Ewōr ruo kain teej ko ñan nañinmijin TB. Kenono ibben taktō eo am kin teej ta eo emmontata ñan kwe.



Teej in Bōtōktōk an TB

Taktō eo am emaron rōjañ am bōk teej in bōtōktōk ñan TB kinke emaron kōmman ilo ien eo wōt, im elablok an alikar jemlok eo elañe emōj am kar bōk wā eo an TB moktalok. Teej eo ilo bōtōktōk ej joñe an jikin bōbrae eo an enbwinnim bōke kij eo ej kōmman TB.



Teej in Kil ñan TB

Ñan teej eo ilo kil, ej jermal juon nidōl jidikdik ñan likūt jet kobban teej eo ñan iloan kilim. Kwōnaj aikuj rool lok ñan taktō eo am iomwin 2-3 raan ñan lale elañe ewōr nañinmij eo ibbam.

3

Kōmadmōd

Ta wūno in kōmadmōd ko?

Ñe ewōr am nañinmijin TB eo ejab kabobo, ewōr wūno in kōmadmōd ko iomwin ien kadu im rebidodo am bōki im remaron jibañ am jab nañinmij kin nañinmijin TB eo ekabobo.

Wūno in kōmadmōd nañinmijin TB eo ejab kabobo ej wāween eo emmontata ñan kejbarok kwe jen am bōk nañinmijin TB eo ekabobo. Kenono ibben taktō eo am kin wūno ko kwōj bōki im mennin jibañ ko ewōr ilo jukjukinbed eo. ñan jibañ kwe kin bebe in wūno in kōmadmōd eo am.



Injuran ko an kien im injuran ko armij rej make kollaiki remaron kollaiki wonnen teej im wūno in kōmadmōd nañinmijin TB.



Nan am bōk melele ko relablok kin TB im wāween am maron kejbarok kwe make im ro jet, lale www.cdc.gov/thinktesttreattb